


Маснавийхонлик :Ҳирс назорати



19:30 / 09.09.2019 1807

Бир ажиб шаҳри азим эрди, валек,

Асли васли ўйлаким бир косадек.

Кўп буюк эрди, кенгиш эрди, дароз,

Аслида салмоғи мисли бош пиёз.

Ул шаҳарда мардум эрди анчаси,

Уч ювуқсиз эрди, лекин барчаси.

Унда гар халқу халойиқ бешумор,

Учта хом аслида топмишди қарор.

Жонки жононга нисор эрмас экан,

Ул яримдир, бир эмас, минг бўлса ҳам.

Ул бири кўрмас Сулаймон ойини,

Лек кўрар эрди чумоли пойини.

Бошқаси кар эрди, сезгир дер ани,

Ганж эди, йўқди тариқча олтини.

Үзгаси гарчи яланғоч әрди чун,
Устида түни узундан ҳам узун.
Күр демиш: күрмоқдамен, құшин келур,
Қайси қавмдин, сон-хисобда қанча ул.
Кар демиш: балли, етишди сүzlари,
Сўйлар ошкору ниҳонни ўzlари.
Ул яланғоч дерки: қўрқармен, улар
Бул узун тўним этагин қирқалар.
Кўр демиш: келди яқинлаб, етмасин,
Тез қочайлик, бир зиёне етмасин.
Кар демишким, мен-да илғармен аён,
Бас, яқинлашмоқдадир шовқин-сурон.
Ул яланғоч дерки, илға-илғама,
Шул узун тўнимга этгайлар тамаъ.
Қўрқдилар, хуллас, шаҳардан кетдилар,
Бир йироқ қишлоққа чарчаб етдилар...
Кар – тилак, ҳар дам қазони тинглагай,
Ўзига келган ажални билмагай.
Ҳирс эса – кўрдир, кўрап ҳалқ айбини,
Ҳар қадамда битталаб сўйлар ани.
Ўзида айбу қусурни кўрмас ул,
Ўзгадин айб изламасдан турмас ул.
Ул яланғоч дерки, йиртилгай тўни,
Ул яланғоч эрса, ким йиртгай уни?

Муфлису қўрқоқ шу дунё одами,
Аслида ул ўғрилардин не ғами?

Ул яланғоч келдиким, шундоқ кетар,
Ўғри деб кўксин ҳамиша доғ этар.

Ҳикоянинг шарҳи

Ушбу ҳикояни бир ҳазил намунаси, мажозий енгил киноя ёхуд «шатҳия» деб қараш мумкин. «Маснавий» шарҳчилари фикрича, ҳикоядаги Сабаъ шаҳри инсон танасининг рамзидир. Шаҳар аҳолисидан мурод, инсондаги руҳоний ва жисмоний қувватлардир. Инсонни шаҳарга ўхшатиш адабиётда кенг тарқалган усул. Кулгили услугда баён этилган уч киши орқали нималарга ишора қилингани, улар нималарнинг рамзи эканини Мавлоно Румий бундай изоҳлайди:

КАР – истак, тилакдир. У ҳаётдан кўп нарсани умид қилувчи, кўп нарсани талаб этувчи, тўйишни билмаган инсон рамзидир. У бошқаларнинг ўлимини эшитади, бироқ ўзи ҳам бир куни ўлишини хаёлига келтирмайди.

Узоқни кўрувчи **КЎР** эса нафсоний ҳирснинг тамсилидир. У халқнинг айбу нуқсонларини ипидан-игнасигача кўради, ҳатто маҳаллаларда айланиб юриб, уларни айтиб тарқатади.

ЯЛАНҒОЧ доим этагимни кесиб кетишади, деб қўрқиб туради. Ахир яланғочнинг этаги бўларми?! Бўлмайди. Яланғоч образи орқали назарда тутилган кимса – дунёга топинган, муккасидан кетган муфлисдир. Ўзини ечинтириб кетишларини, яъни тунаб кетишларини ўйлаб, доим қўрқув ва хавотир ичра яшайди. Ваҳоланки, у дунёга яланғоч келган, яланғоч кетади. Шундай бўлса-да, ўғрининг тунаб кетишидан қўрқиб, юраги қон йиғлади.

Ҳирс, очкўзлик, битмас-туганмас орзу-истаклар, бойлик ва мансаб севгиси инсон учун тузоқдир, уни маънан юксалишдан тўсади. Мол-дунёга берилиш барча илоҳий динларда қораланган. Қалбини буларга қаттиқ боғлаган киши маънавий қадриятларни, Аллоҳ таолони, охиратни, ўлимни унутади. Бу ҳолатга йўл очувчи сабаблардан бири жаҳолатдир, билимсизликдир.

Пайғамбаримиз Мұхаммад алайҳиссалом умматларининг ҳирс ва узун орзу-ҳавасга берилиб кетиши, нафсиға әргашишидан қўрқанлари ривоят қилинади. Узун орзу-ҳавас охиратни унуттиради, нафс истакларига әргашиш эса кишини тўғри йўлдан адаштиради. Дунё севгисини кўнгилдан чиқариб ташлаш қийин. Буни охират кунига ишониш ва ўлимни эслаш билангина эплаш мумкин.

Ҳадисда мол ва шуҳрат ҳирсининг кишига берадиган зарари бир сурув қўй ичига кириб олган икки оч бўрининг зараридан ҳам кўпроқ экани таъкидланади. Очкўзлик ва таъмагирлик туйғуси инсон фитратида мавжуддир. Яна бир ҳадисда бундай марҳамат қилинади: **«Одам боласига бир водий тўла олтин берилса, иккинчисини истайди, иккинчиси берилса, учинчини хоҳлайди, унинг кўзини фақатгина тупроқ тўйдиради»** (Бухорий, «Риқоқ», 10).

Ҳирс етказадиган заарлардан Мавлоно Румий каби улуғлар тавсия этган тарбия йўли билан қутулиш мумкин. Бу тарбияга биноан, мақсад ҳирс, орзу ва истакнинг батамом йўқ қилиниши эмас, балки уларнинг назорат остига олиниши ва яхшиликка йўлланишидир. Шиддатли ёмғир ёхуд баҳорда қорнинг эришидан сўнг оқиб келадиган жўшқин сувлар катта тошқин ва сел босишига сабаб бўлади. Аммо ўша сувлар бир тўғон ортига йиғилса, керакли ўринга, фойдали мақсадга ишлатилади.

Жалолиддин Румий ҳазратлари ушбу ҳикоя орқали маънавий жиҳатдан кар, кўр ва маънавияти қашшоқ, нафс домига, орзу-истакларига тутқун инсон фожиасини англатмоқчилар. Дунёга муккасидан кетиш ҳам юқорида таъкидланаётган маънавий ҳалокатнинг сабабларидандир. Бундай таҳликининг олдини олиш учун улуғ зотлар бундай тавсияни берадилар: «Дунёни кўр, сайр қил, ичига кир, аммо эҳтиёт бўл - дунё сенинг ичингга кирмасин». Жалолиддин Румийнинг ўзлари «Модда бир отдир, рух унинг чавандози. Моддийликни жиловлай олсанг, уни бошқариб бўйсундирсанг, демак, сен юксалибсан. Агар у сени бўйсундирса, олиб қочади ва охири ҳалок қиласди», дейдилар. Шу боис, Румий ҳазратлари рамзий тарзда тасвиrlаётган бу жисмимиз, умримизни обод қилиш, кўркам тутишимиз учун қалбимиз, ҳис-туйғуларимизни карлик (шафқатсизлик), кўрлик (жоҳиллик), яланғочлик (ҳаёсизлик) каби кўплаб иллат-балолардан омон сақлашимиз лозим экан.

Шарҳни Абдуллоҳ Мурод тайёрлади.

«Hilol» журнали, 2-сонидан олинди.